

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon

Tuig XXXVII No. 13

Hulyo 7, 2006

www.philippinerevolution.org

Editorial

Untaton ang mga pagpangkuot, sikreto nga pagbilanggo kag iban pa nga kalakasan sa pumuluyo


Labaw nga katalaw ang ginapakita sang rehimeng US-Arroyo sa ginahimo sini nga wala pili nga mga pasistang pag-atake sa mga aktibista, ordinaryong pumuluyo, mga rebolusyonaryong pwersa kag mga ginaakusahan sini nga komunista. Ang indi sini sarang himuon sang atubang, himuon sini sang pa-traidor, paagi sa mga sapat nga *death squad* kag mga espesyal nga operatiba nga wala sang ginarespeto nga kinamatarung kag wala ginasanto nga layi, pati mga layi sang pungsod kag mga internasyunal nga layi. Ginabastos kag ginaduplaan pa nila ang mga kasugtanan nga naagum sa sugilanon pangkalinungan sa tunga sang rebolusyonaryong hublag kag sang ila gubyerno.

Daw mga buang nga sapat ang mga *death squad* nga ginabuhian ni Arroyo. Ang mga ginasuspetsahan nga rebolusyonaryo mapintas nga ginakuot, likum nga ginabilanggo sa madulom nga kuta, ginapwersa, ginahiluan kag ginadingutan sang bisan gamay nga pagkatawo. Wala sang mga dokumento. Wala sang mga

abugado. Sinapat nga paghulag. Kabuhi ang kabaylo sa tion nga indi masunod ang kagustuhan sang mga sapat.

Wala sang ginaako si Arroyo kag ang iya mga sinakpan. Todo ang pagbalibad sang mga ini bisan pa nga may mga ebidensya kag saksi. Nagapabungul-bungolan lamang si Arroyo sa tunga sang nagalanog nga demanda sang mga himata, kaabyanan, mga nagasakdag sang ila tawhanong kinamatarung kag iban pa nga pumuluyo nga ipakita kag respetuhon ang kinamatarung sang mga biktima. Sa atubang sang labaw nga kasubo sang mga nagakatublag sa kahimtangan sang ila mga ginakabalak-an, indi matago ang kalipay sang rehimen kag mga

sinakpan sini sa militar: Maayo nga bagay, siling nila, nga ginkuot kag nagkaladula ang mga rebolusyonaryo. Ang "all-out war" ni Arroyo wala sang kinakilala nga layi ukon reglamento, bisan yara sa kaugalingon nga konstitusyon ukon mga internasyunal nga layi pareho sang nasaad sa Geneva Conventions, kag pati mga



Mga tampok sa isyu nga ini...

Hilwayon ang mga ginkuot nga konsultant sg NDF PAHINA 3

Malapad nga suporta sa panibag-ong impeachment PAHINA 8

Mga kadalag-an sg mga Maoista sa Nepal PAHINA 12

kasugtanan sang NDFP kag GRP na-hanungod sa pagrespeto sa tawhanong kinamatarung kag pag-garantiya sa kaluwasan kag indi pag-aresto sa mga partisipante sa sugilanon pangkalinungan.

Armado man ukon sibilyan wala sang ginatuhay sang mga berdugo sang rehimen. Ang tanan kaaway sa ila mga mata. Ginarason nila nga may ila nga lisensya para himuon ang gusto nila himuon, lapakan ang tawhanong kinamatarung kag palun-taron ang pasistang layi sa diin man nila gustuhon. Malaut pa, ang mga nagahulag sa ligal nga patag kag mga di armadong sibilyan amo pa ang mga pangunahon ginalagas kag ginapatay.

Sa ngalan sang "all-out war," ginahimo sang rehimen ang wala pili nga pagpangbomba, pwersahan nga pagpabakwit, pagblokeyo sang pagkaon kag pangabuhian kag pag-pangsona sa mga komunidad nga ginadudahan nila ginabasehan kag ginapugaran sang rebolusyonary-ong hublag. Makasiligni ang mga krimen sang rehimen kag sang mga armadong pwersa batuk sa pumu-luyo sa lugar nga ini. Diri ang mga pasista daw mga diyos nga nay kontrol sa kabuhi kag kamatayon

sang mga tawo. Yara nga sudlon ang mga balay sa dis-oras sang gab-i kag tublagon ang kalinong, pagguwaon ang mga lalaki, pabud-layan kag dalayon nga patyon. Tu-man kadamo nga kaso nga ang mga babaye ginabastos, ginapwersa kag ginahimuslan. Wala sila hawid nga sakiton ang mga bata. Ginapahog sang rehimen ang Arroyo ang pumu-luyo sa desperadong handum nga talikdan nila ang BHB kag magluhod sa ginapalungtad nga in-di deklaradong layi militar.

Pati ang ligal nga patag sang paghimakas para sa mga pangkatil-ingban nga pagbag-o pilit man gi-nadingot sang rehimen ang Arroyo sa patriyotiko kag demokratikong hublag. Ang mga progresibong lid-er kag aktibista kag pati mga taga-suporta wala-tuo nga ginahimo nga praktisan sang mga *death squad* nga ginbuhian sang rehimen para atakehon ang demokratikong kahublagan sa nagkalain-lain nga lugar sa pungsod. Ang mga matawhay nga pagtilipon, nagarali kag nagapahayag sang mga reklamo ginatapna. Pati ang mga napilian nga progresibong ma-malidha ginatuyo nga kuhaan man sang lugar sa parlamentaryo kag li-

gal nga patag. Gusto sila nga ipi-ton kag ihunong paagi sa himu-hi-mo nga mga kaso.

Nagsayup si Arroyo sa pag-paminsar nga makadulot sang mabaskog nga kahalitan ang gi-nahimo sini nga likum nga pagkuot, paghunong kag pagpa-matay sa mga rebolusyonaryo kag ginadudahan nga mga rebolusy-onaryo, amo man ang ginahimo si-ni nga pagpamatay, pagpang-ipit kag pagpamahog sa mga nagahulag sa ligal nga patag.

Ginapaminsar sang rehimen ang Arroyo nga magahipon na lamang ang pumuluyo sa atubang sang mga makasiligni nga krimen nga ginahimo sa ila sang mga ar-madong gaway kag berdugo sini.

Abot-langit ang pagkaakig sang pumuluyong Pilipino sa kapintas kag brutalidad ni Gloria Arroyo. Labi na halin sang binuang nga ideklarar niya ang "all-out war" kag hayagan nga ibasura ang sugilanon pangkalinungan, dugang nga wala pili ang patraidor sini nga pagkuot, sikreto nga pagkahunong, pag-tortur kag pagpatay.

Mapaslawan ang matalaw nga mga anti-demokratiko kag kontra-pumuluyo nga atake nga ini sang rehimen. Tubtub san-o indi ma-punggan ang singgit sang mga bik-tima sang pasistang kalakasan sang rehimen ang Arroyo. Ang ila mga singgit padayon nga magalanog kag magapukaw sa banwa. Magahu-lag pa gid gani ang pumuluyong Pilipino tubtub nga mapukan kag masilutan nila ang garuk, papet kag pasistang rehimen kag mga yabing gaway sini.

Handa ang PKP, Bag-ong Hangaway sang Banwa kag ang bilog nga rebolusyonaryong hublag nga maghimo sang balos nga aksyon kag agumon ang hus-tisya para sa tanan nga biktima sang paglabag sa tawhanong kina-matarung kag kalakasan sang pa-sistang rehimen.

AB



Tuig XXXVII No. 13 Hulyo 7, 2006

Ang Ang Bayan ginabantala sa leng-wahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.org

Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editorial

Untaton ang mga pasistang kalakasan 1

Pagpanghalit sg pasistang estado

Hilwayon ang mga ginkuot 3

Mga paglapas sa tawhanong 4

kinamatarung 4

Sugilanon pangkalinungan 5

Mga tikang padulong sa layi militar 6

Madinalag-on nga TO 7

Malapad ang suporta sa impeachment 8

Sunud-sunod nga kaso 9

Mapagsik nga edukasyong masa sa Cagayan 9

CARP: Maanomalya kag inutil 11

Sa luwas sang pungsod

Mga kadalag-an sg mga Maoista sa Nepal 12

Iligal ang paghunong sa Guantanamo 13

Mga missile sg North Korea 14

Balita 15

Ang Ang Bayan ginabantala duha ka beses kada bulan sang Komite Sentral ng Partido Komunista ng Pilipinas



Hilwayon ang mga ginkuot nga konsultant kag istap sang NDFP

Mabaskog nga ginakundenar sang Partido Komunista sang Pilipinas ang pagkuot kag sikreto nga paghunong sa duha ka konsultant sang NDFP sa sugilanon pangkalinungan, duha ka istap sang NDFP kag mga sibilyan nga gindalahig sa pagkuot sa ila. Hayag nga ginalapakan sang rehimeng Arroyo kag mga armadong pwersa sini ang mga internasyunal nga makatawong layi, mga pagsulundan sa gera, ang Comprehensive Agreement on Respect for Human Rights and International Humanitarian Law kag ang Joint Agreement on Safety and Immunity Guarantees.

Gin-abangan kag ginkuot sang mga operatibong militar si Prudencio Calubid, konsultant ng NDFP sa sugilanon pangkalinungan, sa prubinsya sang Quezon sadtong Hunyo 26. Ginkuot man upod ang iya istap nga sanday Ariel Beloy kag Ka Goyong, ang iya asawa nga si Celina Palma kag himata sini nga si Gloria Soco. Si Soco gindungan lang nila sa byahe kag wala kaangtanan sa rebolusyonaryong hublag.

Nakapalagyo si Ka Goyong masunod nga gab-i kag siya ang nagpaabot sa NDFP sang mga makasiligni nga detalye sang pagpaantos sa mga biktima.

Suno sa iya panaysayon, sa salakyan pa lang ginsuguran na sila nga sakiton. Ginbuta-butahan sila, ginposasan kag ginhigtan ang ila mga tiil. Halin Hunyo 26 tubtub 27 tatlo ka *safehouse* sa nagkalain-lain nga lugar ang gindalhan sa ila, kon sa diin padayon sila nga tinortyur kag ginpaidalum sa masingki nga interogasyon. Lakip sa mga nakaagum sang grabeng pagpaantos ang mga sibilyan nga upod nila.

Pero ang labi nga tinortyur, siling ni Ka Goyong, amo si Calubid mismo. Sa isa ka instansya nabatian niya nga nagsinggit si Calubid nga "wala kamo sang makuha sa akon! Patyon niyo na lang ako!"

Pag-abot sang Hunyo 28, gindala sila sa isa ka matalon nga lugar. Samtang yara pa sila sa salakyan nagpamahog na ang mga berdugo

nga pagapatyon na sila. Pagkapanag sa salakyan, namutikan ni Ka Goyong nga malayo na sila sa karsada bangud dalisdis na ang ila ginalaktan kag may nabatian siya nga huganas sang tubig sa naidalum nga bahin.

Agud kuhaon ang atensyon, nagsinggit si Beloy sang "Mabuhay ang Partido Komunista sang Pilipinas! Mabuhay ang Bag-ong Hangaway sang Banwa!" Ginhingalitan ni Ka Goyong ang natuga sini nga hingalit nga kagamu agud makapalagyo. Ubos-kusog niya nga ginwaslik ang nagakapot sa iya kag sang makabuhì naglumpat paidalum sang dalisdis sa direksyon sang tubig palayo sa kaaway. Ginpaulan siya sang bala samtang patiyugtiyog siya paidalum pero wala siya maigo. Duha ka adlaw siya nagtago sa kagulangan nga sang ulihi nahibal-an niya nga bandang Cavinti, Laguna. Naangutan niya ang mga kaupod kag ginreport ang mga natabo.

Sadto naman nga Hunyo 24, ginkuot man sa Barangay Tuktukan, Guiguinto, Bulacan si Leonardo Ancheta, isa pa nga tinawo sang NDFP. Suno sa isa ka saksi, nagbato si Ancheta pero ginpulihan siya sang apat nga armadong lalaki kag pwersahan nga ginsulod sa isa ka kolor pilak nga Toyota Revo.

Sadtong Hunyo 17, bandang alas-7:00 sang aga sa Barangay Bangkuruhan, Calauag, Quezon,

ginkuot si Rogelio Calubad, konsultant sang NDFP nga nagatiglawas sa Bikol. Ginkuot man ang anak niya nga si Gabriel, isa ka *electrician*. Suno sa mga saksi, gindutdot sang isa ka *van* ang ginasakyan nila nga motorsiklo gani nagtumpilak ang mag-amay. Si Calubad gilayon ginpososan kag ginsakay sa van, sangtang si Gabriel pwersahan nga ginangkas sa isa nga kasunod nga motorsiklo.

Sa pihak sang mga pagtinguha sang mga himata, abugado kag tagasakdag sang tawhanong kinamatarung nga pangitaon kag ipamilit nga patuhawon ang mga ginkuot nila nga konsultant kag istap sang NDFP kag sa mga sibilyan nga gindalahig sa pagkuot sa ila, padayon na ginabalibaran sang AFP kag PNP nga kapot nila ang mga biktima. Ang nasambit nga mga *desaparecido* amo ang pinakaulihi nga biktima sang mahigko nga gera sang rehimeng Arroyo kag mga armadong gaway sini. Bangud wala ini sang ginasant, pati mga inosente nga sibilyan ginadalalahig sang mga pasistang berdugo ni Arroyo.

Ginainsister sang Partido nga ilutaw kag hilwayon ang mga konsultant sang NDFP nga sanday Prudencio Calubid kag Rogelio Calubad, mga istap sang NDFP nga sanday Ariel Beloy kag Leonardo Ancheta kag mga himata nila nga sanday Celina Palma. Gloria Soco kag Gabriel Calubad.

Ginapangako sang Partido kag Bag-ong Hangaway sang Banwa nga himuon nila ang tanan nga masaranggan indi lang para pabayron sang mahal ang mga responsable sa pagkuot kag pagpaantos sa ila, kundi ang tanan nga may kahimuan sa wala pili nga mga pagpamatay kag iban pa nga makasiligni nga paglabag sa tawhanong kinamatarung.

AB



Wala pili nga paglapas sa tawhanong kinamatarung

Gindula sang rehimeng Arroyo ang ligal nga basehan sa pagpataw sang silut nga kamatayon sa mga kriminal pero padayon naman sini nga ginabasbasan ang AFP sa wala hawid nga pagpamahog, pagkuot kag pagpamatay sa mga rebolusyonaryo kag demokratikong pwersa lakip na ang iban pa nga anti-Arroyo nga pwersa. Masunod ang pinakaulihi nga mga paglapas sang mga armadong gaway sang estado sa tawhanong kinamatarung:

Hulyo 6. Pinatay si Paquito Diaz, pangrehiyon nga tagapangulo sang COURAGE sa Eastern Visayas. Ginluthang siya sang isa ka lalaki sa iya tindahan sa merkado publiko sang Barangay Banaba, Tacloban City.

Hulyo 6. Ginpatay sa Padre Garcia, Batangas ang *municipal coordinator* diri sang Bayan Muna (BM) nga si Andrew Dimaculangan. Siya ang ika-133 nga myembro sang BM nga pinatay halin 2001.

Hulyo 5. Ginkuot kag wala pa ginapakita sang mga elemento sang 11th IB sa Barangay Santos-Santos, Moises Padilla, Negros Occidental si Crisanto Fat, tserman sang lokal nga tsapter sang Kilusang Magbubukid ng Pilipinas kag upisyal man sang BM.

Hulyo 3. Pito ka upisyal sang Pinag-isang Samahan ng mga Tsuper at Opereytor Nationwide (PISTON)-Central Luzon ang ginkuot sang mga elemento sang PNP-CIDG, 56th IB kag 69th IB sa Barangay Malabunas, Angeles City. Grabe nga tortyur ang naagum sang mga biktima nga sanday William Aguilar, Jose Ramos, Francis Aquino, Jose Bernardino, Fernando Poblacion, Argie de Jesus kag Merlito Lipio. Suno kay Aguilar, pilit sila nga ginapaako nga may kaangtanan sila sa BHB.

Sanday Aguilar kag de Jesus ginbuhian masunod nga adlaw. Sanday Ramos, Aquino, Bernardino kag Poblacion padayon nga ginahunong


sa isa ka *safehouse* sa kaso nga iligal nga paghupot sang eksplosibo matapos ang himu-himo nga estorya sang militar nga may dala-dala kuno nga grana-da ang apat. Tuhtub subong wala pa gihapon ginatuhaw si Lipio.

Hulyo 3. Ginpatay sang mga elemento sang *death squad* sa iya balay sa Yuzon, Guimba, Nueva Ecija si John Gado, BM coordinator sa prubinsya.

Hulyo 3. Sinunog sang walo nga nakabonet nga armadong lalaki ang istasyon sang Radyo Cagayano-dwRC sa poblasyon sang Baggao, Cagayan bandang alas-dos sang kaaganhon. Antes sunugon ang istasyon gingapos ang pito nga istap sang istasyon, upod ang manidyer sini nga si Susan Mapa kag ginpagguwa matapos kumpiskahon ang ila mga *cell-phone*.

Bisan nakabonet ang mga sumalakay sa istasyon, nakilala pa gihapon sang istap nga mga elemento sila sang 5th ID. Madugay na nga ginapaandam sang 5th ID ang istasyon bangud sa pagkunderan sini sa mga pagpang-abuso militar kag pagka-kritikal sa iban pa nga isyu pangpulitika kag sosyo-ekonomiko.

Hulyo 30. Gin-istraping sang mga armadong lalaki ang balay ni Orlando Awingan sa Pinukpuk, Kalinaga. Si Awingan amay sang isa ka gi-



nasuspetsahang Pulang hangaway.

Hunyo 27. Masobra 20 raliyista ang napilasan sang tuyuon nga bungkagon sang mga pulis ang ila martsa padulong Mendiola. Halin sa Mabuhay Rotonda ang masobra 3,000 nga nagamartsa sang sila bombahon sang tubig halin sa duha ka trak sang bumbero. Ginpangbatuta man sila sang mga *anti-riot police*. Ginaprotesta sang mga raliyista ang wala pili nga mga pangpulitikang asasinasyon sang rehimeng US-Arroyo.

Hunyo 26. Ginkuot sang militar si Prudencio Calubid, konsultant sang NDFP sa sugilanon pangkalin-ungan. Ginkuot man upod ni Calubid ang iya tiayon, duha niya ka istap kag isa pa nga paryente nga sibilyan. Suno sa isa niya nga istap nga nakapalagyo sadtong Hunyo 28 kag amo ang nagreport sang insidente, gin-abangan sang lima ka van ang ila salakyan sa kahabaan sang Quirino Highway sa Quezon bandang tungang gab-i. (Lantawon sa kaangot nga artikulo.)

Hunyo 26. Ginpatay sang duha ka elemento sang tulisan nga RPA-ABB ang lider mangunguma nga si Wilfred Cornea, 49, sa Sagay City, Negros Occidental.

Hunyo 26. Inambus kag napatay sa Barangay Laging Handa, Quezon City sang tatlo ka armadong lalaki nga nakabonet si Delfinito Albano, 46, meyor sang Ilagan, Isabela. Ginabangan sang isa ka kolor puti nga Toyota Revo ang iya ginasakyan nga kotse kag ginpaulanan ini sang bala. Nakadalagan pa si Albano sa kalapit nga bilding pero ginsundan siya sang mga kriminal kag ginpangluthang tuhtub mapatay.

Pila ka adlaw antes ginpatay si Albano, nagpaandam ang rehimeng Arroyo batuk sa mga pulitiko kag negosyante nga nakig-angot sa rebolusyonaryong hublag.



Hunyo 25. Ginpahog sang mga elemento sang 69th IB ang 177 mamumugon nga nagahiwat sang seminar sa Barangay Pulong-bulo Elementary School sa Angeles City.

Base sa pahayag ni Ludynela Hamor, presidente sang Smart Shirts Philippine Inc. Union, tatlo nga nakasibilyan nga mga suldado ang nag-abot kag nagpamangkot bahin sa aktibidad sang mga mamumugon, kon sin-o ang organisador sini kag sanday sin-o ang mga lider sang nasambit nga unyon.

Hunyo 25. Duha ka babayeng estudyante nga estudyante sang University of the Philippines nga nagahimo sang pagpanalawsaw kag isa ka lalaki nga aktibistang mangunguma ang ginkuot sang militar sa Hagonoy, Bulacan. Tubtub subong wala pa ginatuhaw sang AFP ang mga manalawsaw nga sanday Karen Empeno kag Sherlyn Cadapan kag ang aktibista nga si Manuel Merino.

Hunyo 24. Ginkuot sa Barangay Tuktukan, Guiguinto, Bulacan sang apat nga lalaki nga armado sang mabaskog nga armas si Leonardo Ancheta, istap sang NDFP. (Lantawon ang kaangot nga artikulo.)

Hunyo 17. Ginkuot sang anum nga ginadudahan mga elemento sang Intelligence Service of the AFP si Rogelio "Rudy" Calubad, 53, konsultant sang NDFP sa sugilanon pangkalinungan nga ginatiglawas sang Bikol. Upod niya nga gindakup sa Barangay Bangkuruhan, Calaug, Quezon ang iya anak nga si Gabriel, 29. Wala pa gihapon ginatuhaw sang militar ang mag-amay.

Hunyo 13. Ginsalbeyds sang mga elemento sang 21st IB si Roberto Gonzales, 38, mangunguma nga taga-Barangay Ab-abaan, Binalaban, Kalinga. Ginkuot si Gonzales sadtong Hunyo 9 kag pila ka adlaw nga tinortyur antes pinatay. Ginaakusahan siya nga tagasuporta sang BHB.

AB

Halambalanon pangkalinungan, ginapursiger sang NDFP

Ginapakita sang rehimeng Arroyo nga wala ini sang interes nga agumon ang malawigan nga kalinungan sa padayon nga pagbalibad sini nga atubangon ang mga pagtinguha sang National Democratic Front of the Philippines (NDFP) nga mapadayon ang sugilanon pangkalinungan.

Nagkadto ang NDFP *negotiating panel* sa Oslo, Norway para sugilanon ang mga upisyal sang gubyrerno didto nga nagatindog nga Third Party Facilitator sa negosasyon sa tunga sang NDFP kag sang Gubyrerno sang Republika sang Pilipinas (GRP).

Pangunahon nga katuyuan sang konsultasyon ang pagtuon sa posibilidad sang pagpadayon sang sugilanon pangkalinungan; kag sang pagpadayon sang iban pa nga mga trabaho kaangot sang negosasyon pangkalinungan, magpasugot man ukon indi ang rehimeng Arroyo nga buksan liwat ang pormal nga pag-sugilanon.

Ginhambalan man kon paano mangin mas epektibo ang Joint Monitoring Committee para sa pagpatuman sang Comprehensive Agreement on Respect for Human Rights and International Humani-

tarian Law (CARHRIHL). Ini sa tunga sang nagasingki nga mga paglabag sa tawhanong kinamatarung sa Pilipinas.

Baliskad sa katuyuan sang NDFP, nagpadala man ang GRP sang delegasyon sa Norway pero para lamang ipahibalo didto nga indi ini bukas sa pagpakigsugilanon bangud masako ini sa paglunsar sang todo-gera batuk sa rebolusyonaryong hublag. Wala sang mahimo ang gubyrernong Norway kundi hambalon nga ginarespeto sini ang panindugan sang GRP.

Nakigsugilanon man ang NDFP sa iban pa nga mga pwersa kag sektor, lakip na ang mga tawong simbahan kag iban pa nga nagahandum sang malawigan nga kalinungan. Nakigangot man ini sa oposisyong pulitikal sa katuyuan nga hawanon ang dalan para sa

sugilanon pangkalinungan sa atubang sang pagsara diri sang papet-pasistang rehimeng Arroyo. Sa basehan sang amo nga angtanay, ginalauman nga mangin madali ang pagpadayon sang sugilanon oras nga mapukan na ang subong nga rehimen.

Kaangot sini, nangin madinalag-on ang ginhiwat nga pag-sugilanon sa tunga ni Sen. Consuelo "Jamby" Madrigal kag mga tiglawas sang NDFP *peace panel* sa The Netherlands sa pagpamuno nanday Kaupod Luis Jalandoni, Jose Ma. Sison kag Fidel Agcaoili. Makaligad ang duha ka adlaw nga



dayalogo, ginpirmahan nila sad-tong Hunyo 27 ang ila gintingub nga pahayag. Ginsaad sa pahayag nga ang rehimeng Arroyo ang gila- yon nga may responsable sa pinakamabug-at nga problema subong sa Pilipinas. Gin-insister man nga kinahanglan pagaisahon ang pumuluyo na Pilipino para lubaron ang armadong banggianay kag kinahanglan mapadayon ang sugilanon pangkalinungan sa tun- ga sang GRP kag sang NDFP.

Ginsaway sini ang nagadamo nga paglapas sa tawhanon kina- matarung kag ang "all-out war" sang rehimen batuk sa mga rebo- lusionaryong pwersa kag ginsiling nga makapalala lamang ini sa kri- sis pangpulitika kag sosyo-puli- tika nga problema sang pungsod. Hugot sila nga nanawagan nga li- wat buksan ang sugilanon pangkalinungan kag bululigan nga madula ang bansag nga terorista sa PKP-BHB kag kay Jose Ma. Si- son, puno nga konsultant sa puli- tika sang NDFP.

Sa pihak sang matayog nga han- dum sang pagpakigsugilanon ni Sen- ator Madrigal, ang iya inisyatiba labaw nga ginpakamalaut kag ginba- sura sang rehimeng Arroyo. Ginapa- hog pa siya nga pagakasuhan sang "pagtraidor sa banwa," sedisyon kag kon ano pa nga madumduman nila.

Bag-o pa ini, nagabukal na ang dugo sang rehimeng Arroyo kay Madrigal bangud sa pagbuligay nila ni Cong. Satur Ocampo sang Bayan Muna sa pagdul-ong sa United Na- tions High Commissioner for Human Rights (UNHCHR) sa Geneva, Switzerland sang mga reklamo bahin sa malaparan nga paglabag sa tawhanong kinamatarung sa idalum sang rehimeng Arroyo.

Ang padayon nga pagkatig-a sang rehimeng Arroyo liwat naga- patuod nga mas interesado ini nga maglunsar sang todo-larga nga gera sa baylo nga lubaron ang mga pangkatilingban nga ugat sang

subong nga gera sibil. Ginaatake sini pati ang mga pwersa nga yara sa ligal nga arena kag tanan nga indi magsunod sa bulok, mapigu- son, anti-demokratiko kag kontra- pumuluyo nga pagsulundan kag

programa sini. Sa pagpakatig-a ni Gloria Arroyo sa militaristang so- lusyon, mangin mabudlay nga isu- long ang sugilanon pangkalinun- gan sa idalum sang subong nga re- himen. AB

Paglatag sang mga tikang padulong sa layi militar

Tuso kag sistematiko nga ginalatag sang Malakanyang ang mga ra- son, saywar kag iban pa nga paghanda para sa labi pa nga pag- pangtapna sa mga nagabato nga pumuluyo, ilabi na sa mga progresi- bong maslider kag aktibista, sa malapad nga demokratikong kahubla- gan kag sa mga nagarebelde nga pwersang militar. Suno mismo sa mataas nga upisyal sang rehimen, mahimo nga maglab-ot ang ila mga tikang sa deklarasyon sang layi militar.

Pinakaulihi nga gingamit nga bangdanan sang rehimen ang isa ka bidyo nga nagapakita kay Gen. Danny Lim, anay kumander sang 1st Scout Ranger Regiment, upod ang tatlo pa nga parehong upisyal nga nagabasa sang deklarasyon sang pag-atras sang ila suporta militar sa rehimeng Arroyo para matapos na ang pagginahum sang bogus kag kriminal nga pangulong Arroyo kag bayluhan ini sang bag-ong guby- erno. Ginpagguwa ang nasambit nga bidyo sang ABS-CBN sining Hu- lyo 3.

Wala sang paathag kon paano "gulpe na lamang" nag-abot ang bidyo sa upisina sang ABS-CBN. Bisan nga wala pa sang hayag nga gi- nalapas nga layi kag yara sa bibi pa sang ligal nga patag ang pag-atras sang suporta militar sa rehimen, ginagamit na sang Malakanyang ang deklarasyon nga ginabasa ni General Lim para pagguwaon nga may ara matuod nga tuyo nga kudeta sadtong Pebrero. Pamatuod kuno ini nga may basehan ang pagdeklarar sang State of National Emergency (SONE) kag sa pagpagguwa sang Presidential Proclamation 1017.

Antes pa sini, pila ka simana man nga may "misteryo" kag "di-ma- paathag" nga mga pagpalupok sang mga mahina nga bomba sa nagkalain-lain nga lugar sa Metro Manila kag iban pa nga syudad, pan- gunahon na sa mga kampo kag pasilidad sang pulisya. Suno kay Na- tional Security Adviser Norberto Gonzales, himo kuno ini sang mga "destabilizer" nga "sigurado" nga manggamo tubtub sa State of the Nation Address ni Arroyo sa Hulyo 24.

Kadungan sang tanan nga mga hitabo nga ini, ginapauna na sang Malakanyang nga indi lang State of National Emergency (SONE) kundi layi militar pa ang mahimo nila ideklarar kaangot sang mga "pamahog nga destabilisasyon." Hayagan nga ginsiling ni Executive Sec. Eduardo Ermita nga ang pagdeklarar sang SONE sadtong Pebrero 24 una nga hugnat pa lamang sang gradwal nga paggamit sang kagamhanan sang gubyerno. Siling niya, "Mas may kumpyansa na kami magdeklarar liwat sang SONE kon kinahanglanon... Ang mga masunod nga tikang ma- pareho sa mga ginhimo ni Marcos sadtong temprano nga bahin sang dekada 1970—ang pagsuspindir sang writ of *habeas corpus* kag kasun- od sini ang pagdeklarar sang layi militar." AB



5 ka armas, nakumpiska sa Masbate

TATLO ka M16, duha ka malip-ot nga pusil, mga bala kag isa ka radyo nga VHF ang nakumpiska sang Bag-ong Hangaway sang Banwa sang ambuson sini ang *private army* sang isa ka despotiko nga agalon nga may-duta sa Barangay Casa Batuan sa Ticao, Masbate sining Hunyo 29.

Ginlambatan sang mga Pulang hangaway banda alas-5:00 sang aga ang *goons* ni Bobie Honasan, nga madugay na nga ginareklamo sang mga mangunguma sa lugar bangud sa mga kriminal nga salabton niya sa masa.

Suno sa pagpanayasat sang mga rebolusyonaryo nga organisasyong masa sa eryl, sobra

300 mangunguma ang pinalayas ni Honasan sa tig-isa ka libo nga ektaryas nga Hacienda Honasan kag Haciend Ara. Ginpasunog man niya ang mga balay sang pila ka mangunguma.

Duha ka myembro sng *private army* ang napatay sa enkwentro.

Ang pag-ambus sa *private army* ang halos kadungan sang operasyong harasment sang BHB sa kampo sang Regional Mobile Group sang Philippine National Police (RMG-PNP) sa San Jacinto, Ticao kon sa diin malala nga napilasan ang isa elemento sang RMG.

Kadungan man nga hinaras sang mga Pulang gerilya ang kampo sang Philippine Army sa Barangay

Armori sang Meyor ginreyd sang BHB, 5 ka armas nakumpiska

LIMA ka armas ang nakumpiska sang mga gerilya sang Henry Abraham Command sang BHB sang salakayon nila ang balay sang isa ka abusado nga meyor sa Cagayan kag sudlon ang armori.

Nireyd sang BHB ang balay ni Meyor Eulogio Agatep sang Lasam sa Barangay Callao Sur sadtong Hunyo 20. Ang balay ni Agatep ang nagaserbi nga bolahan sang

jueteng sa munisipalidad.

Nakumpiska sang BHB ang isa ka M16, lima ka 12-gauge shotgun, isa ka *sniperscope* kag mga bala. Natigayon sang mga Pulang Hangaway ang reyde nga wala sang lupok sa sulod sang 15 minutos lamang. Madali nga nakapalapit kag nakasulod sa balay ang mga gerilya paagi sa pagpakuno-kuno nga mga suldado sang gubyerno. AB

5 ka suldado, patay sa Abra kag Kalinga

LIMA ka elemento sang kaaway ang napatay sa duha separado nga aksyong militar sang BHB sa Abra kag Kalinga sining Hunyo.

Sa Kalinga, inambus sang isa ka iskwad sang Leo Cawilan Command ang mga naga-operasyon nga suldado sang 21st IB sa tunga sang mga baryo sang Lower Talocloc kag Tanglag sa Lubuangan sadtong Hunyo 29. Isa ka

suldado ang napatay kag isa ang napilasan.

Sa Abra, tatlo ka elemento sang 41st IB kag Engineering and Construction Battalion ang napatay kag isa ang napilasan sang salakayon sang isa ka iskwad sang Agustin Begnalen Command ang ila kampo sa Caganayan, Tineg sadtong kaagahon sang Hunyo 28. AB

Mga pulis, inambus sa Catanduanes

INAMBUS sang isa ka yunit sang BHB sa idalum sang Nerissa San Juan Command ang mga tropa sang PNP sa Barangay Mayng-away, San Andres, Catanduanes sining Hulyo 1. Nakumpiska sang BHB ang tatlo ka malip-ot nga pusil.

Nakasakay sa mga motorsiklo ang anum ka pulis sang lambatan sila. Napatay si Sr. Insp. Alexander Diaz., *group commander* sang PNP Provincial Mobile Group sang Catanduanes, kag si PO1 Joselito Tubo Jr. Apat pa ka elemento sang


Mga aksyon militar sa Camarines Sur

TATLO ka madinalag-on nga aksyong militar ang ginlunsar sang BHB kag milisya sang banwa (MB) sa Camarines Sur halin Hunyo 25-27. Isa ka tinyente ang napatay sa mga operasyon nga ini.

Hinaras sang apat- katawo nga tim sang MB ang Special Operations Team sang 42nd IB sa Tanag, Libmanan sining Hunyo 27. Napatay sa engkwentro ang isa ka 2Lieutenant Bernardo, kumander sang "C" Coy kag napilasan ang pila ka suldado.

Bag-o sini, pinalukpan sang duha ka Pulang hangaway sang eksplosibo ang nakasakay nga mga suldado sang 65th IB sa Maharlika Highway sa Barangay Pecuaría, Bula sining Hunyo 26. Pakadto sadto ang mga suldado sa hedkawrters sang 9th ID sa banwa sang Pili halin sa Ligao City. Madamo ang napilasan sa kubay sang militar.

Hinaras man sang BHB ang detasment sang "B" Coy sang 31st IB sa Barangay Taisan, Sipocot sining Hunyo 25. May pila ka napatay nga suldado, suno sa pahayag sang mga nakasaksi nga sibilyan. AB



Malapad ang suporta sa *impeachment* kay Arroyo

Sunud-sunod nga mga bag-ong kaso nga *impeachment* ang ginpasaka sang nagkalain-lain nga personahe, organisasyon kag mga sektor batuk kay Gloria Macapagal-Arroyo sining nagligad nga duha ka simana. Ultimo nga katuyuan sa pagpasaka sang mga kaso nga ini batuk kay Arroyo amo ang mapatalsik siya paagi sang *impeachment*. Pero bangud balan man sang mga nagademanda ang daku nga posibilidad nga ibasura lang sang mga maki-Arroyo nga kongresista ang kaso, minimum nila nga katuyuan nga mabuyagyag man lang paagi sang Kongreso ang mabug-at nga krimen ni Arroyo batuk sa pumuluyo.

Anum nga kaso na sang *impeachment* ang separado nga ginpasaka. Paagi sini, ginatinguha lubaron sang mga anti-Arroyo nga pwersa ang nagkalain-lain nga teknikalidad pareho sang halambalanon kon ano gid nga petsa matapos ang "isa ka tuig nga plaso" antes pahanugutan ang panibag-o nga pagpasaka sang kasong *impeachment*. Sa amo man, sa sunud-sunod nga pagpasaka sang kaso, ginakaptan sang mga pwersang anti-Arroyo ang inisyatiba agud indi na ini gamuhon kag masabotahe. Ginalikawan nila ang natabo sadtong nagligad nga tuig sang mauna nga nagpasaka sang mahina nga kasong *impeachment*

ang abugado sang pamilyang Marcos nga si Oliver Lozano. Insigida nga ginbasura ang kaso bangud sa kawad-on sini sang merito kag nalugaw-an ang pagpatalsik kay Arroyo paagi sang *impeachment*.

Sang una ginapakagamay kag ginhikayan sang Malakanyang ang ginatawag "impeachment sang pumuluyo batuk kay Arroyo." Pero wala madugayi indi na sini matago ang malapad nga paghiliusa kag suporta para diri sang nagkalain-lain nga sektor sang pumuluyo.

Ginsentruhan sang mga bag-o nga kasong *impeachment* ang tatlo nga pangunahong reklamo kay Arroyo:

1. Pagpaluntad sang mga tikang

pangdiktador kag mga pasistang krimen. Lakip diri ang pagtapna sa kinamatarung sa hilway nga importasyon, pagpahayag kag pagtilipon; ang pagmandu kag pagsulsol ni Arroyo sang mga pagpamatay sang AFP kag mga *death squad* sini sa mga aktibista kag tawong midya; pagbalabag sa mga pagpangusisa sang lehislatura nga may kaangtanan sa mabug-at nga kasong kriminal ni Arroyo; amo man ang mga hinusgahan na sang Korte Suprema nga mga paglabag sa konstitusyon, pag-abuso sa gahum sang presidente kag paglabad sa mga kinamatarung sibil sang pumuluyo pareho sang mga mandu kag tikang sa balayon sang Presidential Proclamation 1017, Executive Order 464, *calibrated preemptive response*, kag iban pa.

2. Malaparan nga pagdinaya sa eleksyon 2004, lakip ang pagbaylo sang mga *ballot box* kag manipulasyon sang mga boto, nga pinatampok sang direkta nga himbunanay ni Arroyo mismo kay COMELEC Commissioner Virgilio Garcillano kag pagkadalagig man sang pila nga nagapamuno nga heneral nga lunsay nabuyagyag sa naglapta nga "Hello Garci" tape.

3. Dalagkuan nga korapsyon, lakip na ang paggamit sang dalagkuan nga pondo (tubtub mga P6 bilyon) halin sa nagkalain-lain nga ahensya sang gubyerno para galastuhon sa kampanyang elektoral ni Arroyo kag pagpanuhol sa mga nasyunal, kongresyunal kag lokal nga upisyal sang gubyerno, pareho sang mga nabuyagyag nga pagpangawat ni Arroyo kag mga tinawo niya sa bilyun-bilyong pondo halin sa programang Ginintuang Masaganang Ani, *road users' tax*, mga nabawi nga ginawatan nga manggad sang mga Marcos, kag dalagku nga kontrata sang gubiyerno nga ginsudlan kag personal nga ginpangin-puslan niya kag sang malapit sa iya. AB

Sunud-sunod nga kaso

Hunyo 26. Mas o menos 300 organisasyon kag kilala nga mga personahe lakip ang Citizens' Impeachment Case versus Gloria Macapagal-Arroyo ang nagpulaw sa Kongreso nga kabahin agud siguruhon nga sila ang una nga makapasaka sang kaso. Lakip sa mga una nga naglagda sa kaso sanday Zenaida "Nini" Quezon-Avancena, anak sang daan pangulo Manuel L. Quezon; National Artist for Literature Bi-venido Lumbera; Renato Reyes sang Bagong Alyansang Makabayan; Bro. Eddie Villanueva sang Bangon Pilipinas; Hyatt 10; kag iban nga nagbiya nga upisyal sang rehimeng Arroyo.

Hunyo 27. Ginpangunahan ni anay Vice Pres. Teofisto Guingona Jr. ang pangaduha nga ginsumiter nga reklamo base sa mga kongklusyon sang Citizens' Congress for Truth and Accountability. Gindunganan ini sang panawagan ni Guingona para sa *civil disobedience* sang pumuluyo pananglitan liwat nga balabagan sang mga tinawo ni Arroyo ang bag-o nga pros-esong impeachment.

Hunyo 28. Isa pa nga kasong *impeachment* ang ginpasaka sa pagpanguna ni Caloocan City Bishop Deogracias Yniquez. Ginkundenar ini sang Malakanyang pero nag-ani sang suporta ang iya nga tikang halin sa mga pinuno sang Catholic Bishops' Conference of the Philippines, lakip ang presidente sini nga si Archbishop Angel Lagdameo kag sanday Archbishop Oscar Cruz sang Pangasinan kag Gaudencio Cardinal Rosales sang Maynila.


Hunyo 29. Mga pamatan-on ang nagkomposar sang ikaapat nga grupo nga nagpasaka sang kaso. Ginpangunahan ini sang Youth Demanding Arroyo's Removal (Youth-DARE) nga gintilawas ni Abigail Binay, bataon nga abugado nga anak ni Meyor Jejomar Binay sang Makati City.

Hulyo 3. Sa pagpanguna ni Fr. Rolly de Leon sang Norzagaray, Bulacan, ginpasaka ang ikalima nga kasong *impeachment*. Upod ni Father de Leon si Erlinda Cadapan, anay *campaign manager* ni Arroyo akg 14 nga iba pang organisasyon nga nagatib-ong sang tawhanong-kinamatarung sa nagkalain-lain nga rehiyon.

Hulyo 6. Pinakaulihi nga nagpasaka sang kaso ang masobra 100 kababaihan sa pagpanguna sang GABRIELA, Gabriela Women's Party kag Samakana.

Samtang, sadtong Hulyo 5 pumirma sa isa pa nga kasong *impeachment* ang Be Not Afraid Movement ni Sen. Panfilo Lacson kag mga sumulunod ni Sen. Gregorio Honasan. Pormal nila nga ipasaka ang kaso sa Hulyo 24.

AB



Mapagsik nga edukasyong masa sa Cagayan

Duha ka tuig na nga mapagsik nga ginapatuman ang programa sa edukasyong masa sa Northern Front sang Cagayan Valley. Bunga ini sang desisyon kag mga pamaagi nga resulta sang pangrehiyon nga kumperensya nahanungod sa edukasyong masa nga ginhiwat sadtong 2004.

Halin sadto, madasig kag madamuan nga nakapatapos ang masa sa Pambansa-Demokratikong Paaralan (PADEPA), pati na sa Pangkabilugang Kursong Masa (Pakum), Espesyal na Kursong Pangmasa (Eskum) kag iban pa nga basehang pagtulun-an.

Para epektibo nga masabat ang desisyon sang rehiyunal nga kumperensya, naglunsar anay ang Northern Front sang pangprente nga kumperensya sa edukasyon nga gintambungan sang tanan nga upisyal sa edukasyon, propaganda kag pangkultura tuhtub sa lebel sang iskwad. Gintambungan man ini sang bilog nga Prenteng Komite.

Gilayon pagkatapos sang pangprente nga kumperensya ginsuguran ang paghanas sang mga instruktur. Ang una nga bats nagalakip sang 13 Pulang hangaway kag apat ka myembro sang organisasyong masa. Masunod nga adlaw, 10 pa nga mangunguma ang ginhanas nga mangin instruktur. Samtang, ang una nga bats sang mga naghanas gilayon nga lumarga sa mga baryo para ibreyktru ang malaparan nga paghatag sang pagtuon. Gin-una nila ang isa ka sityo sa sulod sang isa ka ginabawi nga erya.

Aga pa lang nahatagan nila sang Eskum-Kababaihan ang grupong pang-organisa sang Makibaka sa lugar. Pagkahapon, ginkadtuan nila ang balay nga may pinakadaku nga telebisyon kag masami ginakadtuan sang tagabaryo. Ginhingyo sang mga bag-ong hanas

nga instruktur nga makahiwat didto sang pulong masa pagkagab-i kag magamit ang TV kag VCD *player* para makapagguwa sang dokumentaryo. Sang maimbitahan ang tagabaryo nga magtambong sa pulong, labi sila nga nabuyok bangud lakip sa adyenda ang talakayan bahin sa pagdula sa interes sang ila utang sa mga usurero sa sitwasyon nga daku nga kahalitan nga dulot sang mabaskog nga bagyo sa ila mga pananum.

Naglab-ot sa 94 katawo ang nag-abot sadtong gab-i nga kag nakakuha sang Malip-ot nga Kurso sa Katilingban kag Rebolusyong Pilipino (MKKR) sa sulod sang apat nga oras.

Tatlong hangaway nga nakatapos lamang maghanas bilang instruktur ang naghatag pagtuon sa bulig sang VCD nga nagserbi nga suplemento. Gilayon nga naangot sang mga nagtambong ang ginalunsar nga "kampanya panas-utang" sa ila kapi-gusan kag pagpanghimulos bilang mga mangunguma kag sa kakina-hanglanon sang rebolusyonaryong paghulag para bag-uhon ini.

Makapila ka beses ang amo nga madinalag-on nga eksperensya. Sa ikaduha nga sityo 82 katawo ang nakatapos sang MKKR. Sa ikatlo 41 katawo ang nakatapos sang Eskum. Kag sa ikaapat may 81 katawo pa ang nakakuha sang MKKR. Sa ikaduha tubtub ikaapat nga pagtuon, ang mga instruktur halin sa BHB nag-angkon sang madamo nga katimbang nga instruktur halin sa kubay sang mga mangunguma nga nakakuha na sang MKKR kag Eskum.

Sa kabilugan, sa apat nga sityo nga gintiyugan sa sulod sang apat ka adlaw may 298 katawo ang nahatagan sang nagkalain-lain nga basehang kursong masa. Sa ikaduha nga tunga sang 2004, masobra 680

ang nakakuha sang MKKR kag Gintugub nga Eskum; 418 ang nakakuha sang MKKR; 275 ang nakakuha sang Eskum-Mangunguma; 92 ang nakakuha sang Eskum-Kababaihan; 57 ang nakakuha sang Eskum-Pamatan-on; 57 ang nakatuon sang Rebolusyonaryong Giya sa Reporma sa Duta; 21 ang nakakuha sang Lima ka Bulawanong Silak; 430 ang nakatuon sang Comprehensive Agreement on Respect for Human Rights and International Humanitarian Law; kag 17 ang nakakuha sang Kur-song Aktibista.

Magaduha ka tuig na nga nasustinir ang amo nga mapagsik nga paghatag sang pagtuon sa Northern Front. Pag-abot sang 2005, malipayon nga ginreport sang mga katapu sang prente nga sa pinakaulihi nila nga kampanyang edukasyon masobra 2,000 mangunguma ang nahatagan sang mga pagtuon sa PADEPA sa sulod sang tatlo ka bulan.

Nangin yabi sa pagpagsik sang edukasyong masa ang maid-id nga pagkonsentrar sang mismo nga komite sang Partido sa prente. Sa lebel nga ini nagsugod ang pagtinguha nga tasahon ang kahimtangan kag tumuron ang mga solusyon agud magpagsik ang hilikuton sa edukasyong masa. Ini ang nanguna sa pagpatuman sang mga plano kag tikang sa paghanas, pagtukod kag pagpaandar sang mga grupo sang instruktur sa kubay sang BHB kag masa.

Signipikante nga sambiton nga anum sa pito-katawo nga kwerpo sang mga instruktur halin sa hangaway sang banwa ang naghalin sa sahing mangunguma. Buot silingon madinalag-on nga napamatukan sang mga instruktur nga mangungu-


ma ang ila pagkamahuyaon para mangin madinalag-on ang kampa-nyang edukasyon.

Napamatud-an man sang ila in-aghan nga ang hilikuton edukasyon, pareho sang tanan nga hilikuton, dapat hugot nga ginapraktika sa interes sang masa agud mapapagsik kag mapatuman. Sa pag-imitar sa mga pagtuon, indi bastante nga hambalon "magkadto kamo sa pagtuon subong nga gab-i." Nabuyok ang interes sang masa sa pagtuon kon ipaathag ang importansya sang pagtuon sa pagtumod sang solusyon sa problema sa kalamidad, usura, renta sa duta, pagpang-agaw sang duta kag iban pa.

Sa mismo nga pagtuon, mapagsik ang pagpartisipar nila kon hugot nga ginaangot ang kongkretong kahimtangan sang mga mangunguma kag iban pa nga sektor sa topiko nga ila ginatun-an. Nakita man sang masa ang hugot nga importansya sang ila nabaton nga pagtuon sa mga solusyon sa mga gilayon kag praktikal nga problema nila paagi sang pagsunud-sunod sang mga pulong masa kag pagplano para sa kampanyang masa pagkatapos sang mga pagtuon.

Labaw sa tanan, napakita sa pagpasulong sang edukasyon sa Northern Front kon paano nagasalig ang BHB sa kusog kag ikasarang sang masa. Sang mahanas kag mahatagan sang kumpyansa sa paghatag sang pagtuon, nagtaas ang kapagsik sang mga mangunguma sa hilikuton edukasyon. "Masaranggan man gali namon magtudlo!" siling sang isa.

Ginakalipay sang mga kaupod sa BHB nga mabatian nga nagalantaw sang VCD sang Eskum-Mangunguma ang mga kabalayan kon sa diin mga lokal nga lider mangunguma na ang nagapanguna. May magkadto na ang mga mangunguma sa erya nga ginapalapan kag magreport sa Hangaway nga nakapatapos sila sang 50



katawo sang MKKRP sa paagi sang pagpahulag sa mga katapu sang kaingod nga lokal nga sanga sang Partido, mga grupong pang-organisa, kag mga lider sang organisasyong masa para maghatag kag magpreparar sang mga pagtuon. Kag kon sadto indi naugalian sang mga mangunguma ang pagbasa kag pagtuon, subong ginapa-

mangkot nila ang BHB kon "apay ni Juan adda PADEPA nan ket siak awan pay?" (Ngaa may PADEPA si Juan kag ako wala pa?)

Bangud sa mapagsik nga kampanyang edukasyon, sa bibig-permi sang mga mangunguma sa Northern Front sang Cagayan Valley ang terminong PADEPA. **AB**

CARP: Maanomalya kag inutil

Daku nga pagpaniplang! Ini ang naghiliusa nga sabat sang masang mangunguma sa padihut sang rehimeng Arroyo nga palawigon pa ang inutil nga Comprehensive Agrarian Reform Program (CARP) tub-tub tuig 2013.

Ang amo nga plano nga pagpalawig sang CARP nakabase kuno sa kinahanglanon nga magpanagtag sang 500,000 ektaryas pa nga duta. Isa ini ka daku nga pagpaniplang bangud ang matuod, wala pa sang signipikanteng bahin sang mga duta nga dapat ipanagtag ang aktwal nga nakaptan sang mga mangunguma halin sang una nga ginpatuman ang CARP sadtong 1988. Sa kamatuoran, labi nga nagdamo ang nawad-an sang duta kag labi pa nga naglapad ang mga duta nga sakup sang anay dalagku nga agalon nga mayduta sa pungsod.

Ang matuod nga katuyuan ni Arroyo sa pagpalawig sa CARP amo nga gamiton ang pondo sini sa kaugalingon nga interes. Sandig sa layi, isa sa

mga dapat pagakuhaan sang pondo sang CARP amo ang \$683 milyon ukon P38 bilyon nga kinawatan nga manggad sang mga Marcos. Pero halos naubos na ini sang rehimen. Sadtong nagligad nga tuig, madumduman nga nag-abot sa P27 bilyon halin sa manggad nga ini ang kinurakot gamit ang nagkalain-lain kuno nga suportang programa sa idalum sang CARP. Dugang pa diri ang P544 milyon nga pondo nga gingamit sa maanomalya nga programa pang-abono nga gingastos ni Arroyo para sa iya kampanya pang-eleksyon sadtong 2004.

Sa subong, tuyo ni Arroyo nga siputon ang P7 bilyon nga nabilin sa kinawatan nga manggad sang mga Marcos nga kapot na sang gubyerno. Gusto man niya nga kuripunon ang dugang nga pondo halin sa nagkalain-lain nga ahensya. Lakip diri

ang P7.77 bilyon halin sa Overseas Development Assistance (ODA) nga nakatalana man sa CARP kag ang dugang nga \$35 milyon nga kinawatan nga manggad sang mga Marcos (P.85 bilyon sa baylo nga P53:\$1) nga nakadeposito subong sa isa ka *brokerage account* sa New City, USA.

Madumduman nga ginagastuhan ang CARP paagi sa espesyal nga pondo nga Agrarian Reform Fund (ARF) nga nakapaidalum sa kontrol sang presidente. Halin 1988 tubtub 2006 ginatantya nagaabot sa masobra P500 bilyon ang gintalana para dito.

Puno sang kainutilan. Sa 18 tuig nga implementasyon sang CARP, masobra isa ka milyong ektaryas lamang ang nasakup sini sa kabilugan nga 10.3 milyon ektaryas nga orihinal nga target nga duta nga dapat sakupon sang programa. Sa baylo nga mabungkag ang malapad nga pagpanag-iya sang mga agalon nga mayduta, nahimo pa nila nga labing palaparon ang kapot nila nga kadutaan sa paagi sang paggamit sang mismo mga probisyon sang CARP. Nagamit nila ang nagkalain-lain nga padihut pareho sang Stock Distribution Option (SDO), paglimita sa pagasakupon nga duta sa maisan kag humayan, pagtulunga sang duta sa mga himata para indi masakup sang programa, pagbaylo-gamit sang duta halin agrikultural pakadto komersyal kag industriyal kag iban pa nga klasipikasyon nga indi sakup sang CARP. Tubtub indi nila nakumpleto ang bayad, indi pa lubos nga pagpanag-iya sang mga mangunguma ang ginapabugal nga napanagtag nga isa ka milyong ektaryas. Trenta ka tuig ini nga pagahulugan, sa



masami sa presyo nga ginadikta sang agalon nga mayduta. Samtang, indi pa titulo kundi mga Certificate of Land Ownership Award (CLOA) lamang ang ginahatag sa mangunguma. Magawaran lamang sila sang Emancipation Patent (EP), nga katumbas sang titulo, kon nakumpleto na nila ang pagbayad.

Bangud sa korapsyon kag nagkalain-lain nga mga depekto kag buslot sang layi, masobra 2,000 CLOA kag EP nga nagasakup sa 380,000 ektarya kag linibu-libo nga pamilya sang mangunguma ang nakanselar sadtong 2004, upod na ang napanagtag sadtong nagligad nga mga dekada. Sa 2.1 milyon nga benepisyaryo kuno sang CARP, 1.7 milyon pa lamang ang may kapot nga EP kag CLOA sadtong Disyembre 2004. Ang magamay nga porsiyento pa lamang ang nahatagan na sang EP ang lubos na nga nagapanag-iyang sang duta nga ginatalauma.

Ang kumbersyon sang kadutaan nagresulta sa pagnubo sa kabilugan nga natalauma nga duta halin 9,974,871 ektaryas sadtong 1991 pakadto sa 9,670,793 ektaryas sadtong 2002. Wala pa nalakip diri ang kadutaan nga nagagi sa pagbaylo-gamit agud makalikaw ang agalon nga mayduta sa CARP.

Madamo man nga kadutaan ang naremate bangud wala na nakabayad sa amortisasyon ang mga nangunguma sa nagkalain-lain nga kabangdanan, pangunahon na ang kawad-on sang suportang serbisyo halin sa gubyrno kag pagnubo sang presyo sang ila mga produkto.

Masami na nga nagakatabo na ang mga CLOA kag EP liwat nabakal sang mga agalon nga mayduta kag mga *commercial* kag *real estate developer*. Gani tuman gid nga daku nga kainutilan ang ginapabugal nga kadalag-an sang CARP.

AB



Mga Maoista sa Nepal, nagaani sang kadalag-an

"Mga Maoista ang dapat magpamuno sa pungsod nga ini. Nakita na sang pumuluyo ang monarkiya kag ang mga partido nga parlamentaryo kag ang mga gusto sang kadam-an sang masa subong amo ang mga Maoista naman ang mamuno."

Ini ang pahayag sining Hunyo 30 sang tagapangulo sang Communist Party of Nepal-Maoist (CPN-M) nga si Pushpa Kamal Dahal, mas kilala sa iya ngalan-sa-paghimakas nga Prachanda. Ginbuhian niya ang pahayag samtang nagapadayon ang negosasyon sa tunga sang rebolusyonaryong hublag kag sang bag-o nga gubyrno sa Nepal nahanungod sa pagbag-o sa konstitusyon kag pagtukod sang transisyunal nga gubyrno nga magabulos sa ginpuhan nga monarkiya.

Nagkasugot ang gubyrno kag mga rebolusyonaryong pwersa sadtong Hunyo 16 nga mag-upod sa igatukod nga gubyrnong pangtransisyon (*continuent assembly*) nga magadesisyon sa mangin porma sang bag-o nga gubyrno nasyunal.

Ang kasugtanan amo ang pinaka-ulihi nga pagpakig-alyansa sang CPN-M sa mga ligal nga partido pulitikal batuk sa absoluto nga pagginahum ni Gyanendra. Nag-ani sang mga kadalag-an ang mga pwersa nga ginapamunuan sang CPN-M halin sang mapaatras sang unos

sang kahublagang masa kag armadong paghimakas ang ginakangil-aran nga hari.

Gahum sang hari, ginbali. Pinakasignipikanteng kadalag-an sang mga rebolusyonaryong pwersa kag pumuluyong Nepali ang pagtapos sa gahum pulitikal ni Haring Gyanendra. Madinalag-on nila ini napursiger bunga sang padayon nila nga pagsulong sang inaway banwa sa kaumhan kag mga protestang masa sa kasyudaran kag malapad nga bahin sang pungsod, kag sang indi mabalibaran nga dakung impluwensya sang CPN-M sa pumuluyong Nepali.

Lubos nga ginbasura sang parlamento ang awtoridad sang hari nga mag-aprubar sang mga layi kag ang iya kumand sa hangaway sang estado. Ginaobligar man ang hari nga magbayad sang buhis pareho sang mga ordinaryong pumuluyo.

Ginbasura man sang parlamento ang "layi batuk sa terorisimo" nga ginpatuman sang hari kag ginmandu ang paghilway sa mga ginbilanggo sa idalum sang nasambit nga layi. Ginhilway na ang 190 detenido nga Maoista kag 160 pa ang nakatalana nga hilwayon. Ginsuguran man ang pag-aresto sa mga pwersa sang monarkiya nga imbolbado sa makahas nga pagpangtapna sa mga hublag protesta sadtong Abril.

Ang pagbasura sa absoluto nga monarkiya kag pagtukod sang demokratikong republika ang pangunahong nga ginain-sister sang mga pwersa nga ginapamunuan sang CPN-M sang



Kasamang Prachanda



magpartisipar sila sa koalisyon nga naglunsar sang mapalnagon nga kampanyang protesta. Ginapursiger subong sang CPN-M nga lubos na nga madula sa pagabalayon nga bag-ong konstitusyon pati ang "seremonyal" nga kahimtangan sang hari sa estado.

Sekularisasyon sang estado. Kadalag-an man sang rebolusyonaryo nga kahublagang masa ang deklarasyon sang parlamento sadtong Mayo 18 nga ang Nepal isa na ka estado nga sekular (indi relihiyoso). Gintapos sang deklarasyon ang 238 tuig nga kahimtangan sang Hinduismo bilang upisyal nga relihiyon sang Nepal nga bunga sang libo ka tuig nga dominasyon sang India sa nagligad. Ginsikway na sini ang upisyal nga pagpati nga ang hari amo ang tawo-nga-lawas ni Vishnu, isa sa mga pangunahon nga diyos sang mga Hindu.

Panugod nga tikang ini sa pagtinguha nga dulaon ang pyudal kag rasista nga dominasyon sang mga etnikong Hindu sa isa ka pungsod nga ginabug-usan sang masobra isa ka gatos nga grupong etniko nga naghambal sang mas o menos isa ka gatos nga lengwahe kag may masobra napulo ka relihiyon.

Dispusisyon sang mga armadong pwersa. Ginapamilit subong sang US, India kag pila ka reaksyunaryong pwersa nga nagatinguha makapadayon sang dominasyon sa Nepal ang pagbuhi sang People's Lib-

eration Army (PLA) sang mga armas sini bilang kundisyon sa pagpakigbahin sa poder sang estado. Nagpamahog ang US nga iatras sini ang minilyun-milyon dolyar nga ayuda sa pungsod oras nga mapungko sa gubyrno ang mga rebolusyonaryo nga indi pagsurender sang armas.

Pero wala sang plano nga magdisarma ang PLA. Siling ni Prachanda, mentenaron sang CPN-M ang kontrol sa rebolusyonaryong hangaway nga ginabug-os sang pito ka dibisyon kag sa milisya sang pumuluyo nga ginabug-os sang 100, 000 hangaway.

Sa baylo, ginapanugyan sang CPN-M ang pagtukod sang bag-o nga hangaway sang bag-ong gubyrno paa-gi sa pagtingub sang PLA kag sang pagreorganisa sang reaksyunaryong Nepal Army. Ang gintingub nga hangaway igabutang sa kumand sang pagpilion nga *prime minister*.


Luwas sa ginalauman nga mabaskog nga pusisyon sini sa pagatukuron nga bag-ong gubyrno, ang kontrol sang rebolusyonaryong hublag sa 80% sang teritoryo sang Nepal magadesidir sa mangin kahimtang sini sa pagpasulong sang mga pagbag-o kag pagtalana sang pangkatilingban nga areglo sa gilayon nga inadlaw.

Ang Nepal yara sa katung-anan sang India kag China. May populasyon ini nga 27 milyon. AB

Iligal nga paghunong sa Guantanamo

"Iligal kag indi sakup sang awtoridad." Ini ang desisyon sang Korte Suprema sang US sa pagkahunong kag wala pagpasaka sang kaso sang rehimeng Bush sa mga detenido sa Guantanamo Bay, Cuba.

Mayorya sang mga hukom sang Korte Suprema ang kumastigo sa paglabag sang gubyrnong Bush sa konstitusyon sang US kag sa Geneva Conventions kag amo man, sa pag-abuso sini sa katungdan sang mga sibilyan nga korte nga bistahon ang mga kaso sandig sa gahum



nga ginahatag sang Kongreso. Ang husga nga ginpanaog sining Hunyo 27 ginkalipay sang madamo nga tagapangapin sang tawhanong kinamatarung sa bilog nga kalibutan kag sang mga nagabato sa pagpang-abuso kag arogansya sang imperyalistang US sa paglapak sa mga tawhanong kinamatarung, kinamatarung sibil kag soberanya sang mga pungsod.

Ang kaso batuk sa rehi-

meng Bush ginpasaka sang mga abugado sang isa ka detenido nga Afghani nga ginkasuhan sang isa ka espesyal nga korte militar sang terorismo kag pagpakighimbon para magsabwag sang terorismo. Ang husgado gintukod agud bistahon ang mga bilanggo sa kampo militar sa Guantanamo Bay.

Kadam-an sa mga detenido gindakop sa Afghanistan, Iraq kag madamo pa nga pungsod Arabo kag gindala sa nasambit nga base militar bangud suspetsado sila nga myembro sang al Qaeda kag Taliban. Tanan sila nakaagum sang tortyur kag sari-sari nga pagpang-ipit kag pagpangbastos. Kadam-an wala abugado kag ginadumilian nga maduaw sang ila mga pamilya, sang midya ukon mga personalidad nga nagapangapin sa tawhanong kina-



matarung. Nagbaskog ang pagkunderang sang pumuluyo sa mga ilegal nga kulungan sang mabuyag sa midya nga may tatlo ka detenido nga nagpakamatay sadtong Hunyo 10.

Ini ang pangaduha nga kaso sang ilegal nga pagkahunong sang mga detenido pulitikal sa Guantanamo nga ginapasaka batuk sa rehimeng Bush. Sadtong 2003, nagdesisyon man ang Korte Suprema sang US nga ilegal ang wala pat-ud nga pagkahunong sa mga ginasuspetsahan nga terorista bisan nga wala sang kaso nga ginaatubang kag ginapamilit nila ang kinamatarung nila nga may abugado.

Suno sa mga internasyunal nga layi sa gera, ang amo nga mga detenido pulitikal may kinamatarung mag-angkon sang bulig ligal. Dapat man gilayon nga bistahon ang ila mga kaso. Bawal ang tortyur kag pagpang-ipit, pagpangbastos kag diskriminasyon nga nakabase sa rasa. Tuhtub mahimo, ang mga detenido pulitikal dapat ibalik sa ila mga pungsod para didto bistahon ang ila mga kaso. Sa 450 detenido pulitikal sa Guantanamo, 10 pa lamang ang ginkasuhan halin 2001.

Bisan daku nga kadalag-an ang pagdeklarar sang Korte Suprema nga ilegal ang gintukod nga korte militar, wala sini ginakuha ang kinamatarung sang Kongreso sang US kag rehimeng Bush nga maghimo sang layi nga magabug-os sa mga espesyal nga korte militar para pamtarian ang mga kaso sang mga ginasuspetsahan nga myembro sang al Qaeda kag Taliban. Wala man ginapasara ang kulungan sa Guantanamo ukon sa iban pa nga lugar nga ginabutangan sang wala pa ginakasuhan nga detenido pulitikal ukon ginpauntat ang wala pili nga pagsulundan sang US nga mangdakup sang mga suspetsado nga terorista. AB

Ngaa nagpalupad sang mga *missile* ang North Korea?

Pito nga *missile* ang ginpalupad sang North Korea pakadto sa Pacific Ocean sining Hulyo 4 bilang kabahin sang padayon sini nga pagpabaskog sang depensang nukleyar batuk sa mga pamahog sa seguridad nasyunal. Pareho sang ginalauman ginkunderang sang US kag sang mga pinakamabaskog sining alyado ang ginhimo nga *test launch* sang North Korea.

Pila ka tuig na nga ginapasanyog sang North Korea ang kapasidad nukleyar sini para sabton ang mga kinahanglanon sini sa serbisyo publiko, industriya kag depensa, pero pilit nga ginapamatukan ini sang US. Bisan ang US ang may pinakadaku nga kapasidad sa armas nukleyar kag iban pa nga makamamatay nga hinganiban sa bilog nga kalibutan, doble-kara nga ginapakamalat sini ang anuman nga pagtinguha sang iban nga pungsod para makapauswag sang kaugalingon nga kusog nukleyar bisan para lang sa paghimo sang elektrisidad, ilabi na kon ang mga pungsod nga ini mabaskog nga nagatib-ong sang ila kahilwayan batuk sa imperyalismong US.

Bangud sa pag-insister sang North Korea sa nasyunal nga soberanya sini, lakip ang kinamatarung magprodusar sang kaugalingon nga mga resorsa sa enerhiya kag magpabaskog sa depensa, ginbansagan ini sang US nga kabahin sang “axis of evil” ukon sentro sang kalainan. Isa pa ka pungsod nga ginbansagan sang US nga kabahin sang “axis of evil” amo ang Iraq, nga ginsalakay na sang US sadtong 2003 bangud sa himu-himo nga akusasyon nga nagahupot ini sang mga hinganiban para sa madamuan nga kahalitan. Isa pa ang Iran nga grabe nga ginainitan kag ginapaandaman nga salakayon sang US bangud sa padayon nga ginapauswag sini ang ikasarang nukleyar sa pihak sang pagpamilit sang US nga pauntaton ini.

Sa baylo nga direktang makigsugilanaon, ginapaagi sang US ang pagpamwersa sa halambalanon nukleyar sa mga negosasyon nga ginaimbolbaran sang anum nga pungsod—ang US, North Korea, South Korea, Japan, China kag Russia. Sinuspin-dir sang North Korea ang pagpakigsugilanon sadtong Nobyembre bangud gusto sini nga direktang masugilanon ang US. Padayon ini nga ginabalibaran sang US bangud magatampok ang kamatuoran nga kaugalingon nga interes lamang sini ang gin-amligan. Indi pagsolohon sang US ang anuman nga konsesyon ukon insentibo nga igatanyag sa North Korea kabaylo sang pag-untat sa pagpasanyog sang teknolohiyang nukleyar. Nagalikaw man ang US nga mahigot sa anuman nga kasugtanan nga mahimo magalimitar sa paggamit sang mga armas nukleyar.

Ang pagpalupad sang North Korea sang mga *missile* sining Hulyo 4 pagpakita nga may ikasarang ini nga magbato kag indi mabasta-basta sang US. Ginapaabot sini nga mas maayo nga direktang makigsugilanon diri ang US sa mga halambalanon bilateral agud resolbahon ang mga halambalanon sa tunga sang duha ka pungsod. AB

Pagpahalín sa *ambassador*, tanda sang grabe nga pagpakatuta ni Arroyo

AKIG nga pinahalin ni Arroyo bi-lang Ambassador sa US si Alberto del Rosario bangud sa kapaslawan sang paltik nga presidente nga maipikita ang iya pagkatuta sa iya amo nga imperyalista. Liw-as ini sa pahayag sang Malakanyang nga kaugalingon nga nagbiya ang nasambit nga ambassador.

Pangunahon nga ginkaakig ni Arroyo kay del Rosario amo ang kapasalwan niya nga makumbinsi si President George W. Bush sang US nga imbitahan si Arroyo sa Washington. Madugay na nga ginahandum ni Arroyo nga makabisita sa US para makapuntos kay Bush kag masiguro ang padayon nga basbas sang US sa iya rehi-men.

Bag-o sini, ginkaakig man ni Arroyo ang kapaslawan kuno ni del Rosario nga sagngon ang sunod-sunod nga mga pagkunderar sa iya gubyrno gikan sa mga in-

stitusyong Amerikano, upod ang Heritage Foundation, kag halin sa mga prestihiyoso nga pahayagan katulad sang New York Times nga nagpaguwa sang editoryal nga nagapakamalaut sa mala-diktador ginasiling sini nga tendensya ni Arroyo. Nag-umpisa nga maakig si Arroyo kay del Rosario sadtong 2005 pa sang balibaran sini ang pag-arkila sa Amerikano nga lobbyng firm nga Venable LLP para pahamuton ang imahen ni Arroyo kag kumbinsihon ang Kongreso sang US nga magbutang sang pondo para sa pagbag-o sang kontitusyon. Direkta nga pagkontra ini sa interes ang pamilya Arroyo bangud luwas kay National Security Adviser Norberto Gonzales, upod sa mga nakipag-negosasyon para sa minilyun-milyon nga kontrata sang Venable LLP amo ang utod ni Arroyo nga si Diosdado "Buboy" Macapagal Jr.

Mga dokumento sang sugilanon pangkalinungan, ginhimo nga libro sang NDFP

ISA ka libro ang nagaunod sang mala-halon nga dokumento sang sugilanon pangkalinungan ang ginlunsar sang NDFP sining Hunyo 26.

Yara sa libro ang tanan nga mayor nga kasugtanan nga nalab-ot sang NDFP kag reaksyunaryo nga gubyrno halin 1992 sang gin-aprubahan ang The Hague Joint Declaration. Ang deklarasyon nga ini ang balayon nga ginasunod sa mga pagsugilanon sang duha ka bahin.

Sa mensahe niya sa paglunsar sang libro, gintalakay ni Ka Jose Ma. Sison, puno nga konsultant sa pulitika sang NDFP, ang mabunga bisan pa patay-sindi nga dalagan sang negosasyon sa nagligad nga 14 ka tuig.

Disiete na nga kasugtanan ang naabot sang duha ka bahin sa negosasyon pangkalinungan.

Pinaka-importante sa mga ini ang CARHRHIL.

Indi paggamiton ang nagahana nga paglupok sang Bulusan para sa militarisasyon kag pagpasilabot sang mga pwersa sang USA--NDFP.

GINPAANDAMAN sang National Democratic Front of the Philippines (NDFP) ang rehimeng Arroyo kag ang US nga indi paggamiton ang pag-alburuto sang Mount Bulusan sa Sorsogon para magbuhos sang daku nga pwersa ang AFP sa mga apektado nga lugar kag magpasulod sang tropa nga Amerikano sa ngalan sang "humanitarian operations."

Ginpaguwa sang NDFP ang paandam paagi kay Ka Fidel Agcaoili, myembro sang *peace panel* sini. Suno kay Agcaoili, importante ang paandam sa atubang sang pag-anunsyo kasan-o lang sang AFP nga isa ang Sorsogon sa mga pagapuntiryaon sang "all-out war" sang gubyrno batok sa rebolusyonaryo nga kahublagan. Malahalón man ini bangud sa ginalauman nga pagsingki sang armado nga pagpahilabot sang US sa Pilipinas, ilabi na nga may ara nga ginhimo nga kasugtanan ang rehimeng Arroyo kag US sining Mayo nga nagapahanugot sa presensya sang mga tropa sang Amerikano sa pungsod para magsabat kuno sa mga "di tradisyunal" nga peligro pareho sang mga kalamidad.

Kadungan sini, nagpasugot ang NDFP sa panawagan nga magpaluntad sang temporaryo nga untat-linupok sa mga banwa sa palibot sang Mount Bulusan samtang yara sa katalagman ang mga ini sang pag-alburuto sang bulkan para tagaan sang kahigayunan ang operasyong relief kag ebakwasyon sang apektado nga pumuluyo. Nag-umpisa na nga magbuga sang abo kag lutak ang bulkan sadto pa sang Marso.

Ang untat linupok sa mga banwa sang Irosin, Bulusan, Casiguran kag Juban nag-umpisa sadtong Hunyo 12 kag magpabilin asta nga may ara pa katalagman kag di pa nakabalik sa normal ang dalagan sang pangabuhi sang mga pumuluyo sa ila komunidad.

Subong may isa na ka semana nga nagkalma ang pag-alburuto sang bulkan kag nag-umpisa na nga pabalikon sa ila mga puloy-an ang mga nagbakwit. Sa amo man ginabawal pa sang Philippine Institute of Volcanology ang pagbalik sang mga bakwit sa mga lugar nga asta apat ka kilometro halin kunsaran sang bulkan.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XXXVII No. 13
Hulyo 7, 2006
www.philippinerevolution.org

Editorial

Untaton ang mga pagpangkuot, sikreto nga pagbilanggo kag iban pa nga kalakasan sa pumuluyo

Labaw nga katalaw ang ginapakita sang rehi-meng US-Arroyo sa ginahimo sini nga wala pili nga mga pasistang pag-atake sa mga aktibista, ordinaryong pumuluyo, mga rebolusyonaryong pwersa kag mga ginaakusahan sini nga komunista. Ang indi sini sarang himuon sang atubang, himuon sini sang patraidor, paagi sa mga sapat nga death squad kag mga espesyal nga operatiba nga wala sang ginare-speto nga kinamatarung kag wala ginasantong layi, pati mga layi sang pungsod kag mga internasyunal nga layi. Ginabastos kag ginaduplaan pa nila ang mga kasugtanan nga naagum sa sugilanon pangkalinungan sa tunga sang rebolusyonaryong hublag kag sang ila gubyerno.

Daw mga buang nga sapat ang mga death squad nga ginabuhian ni Arroyo. Ang mga ginasuspetsahan nga rebolusyonaryo mapintas nga ginakuot, likum nga ginabilanggo sa madulom nga kuta, ginapwersa, ginahiluan

kag pinadingutan sang bisan gamay nga pagkatawo. Wala sang mga dokumento. Wala sang mga abugado. Wala sang hulag-tawo. Kabuhi ang kabaylo sa tion nga indi masunod ang kaustuhan sang mga sapat.

Wala sang ginaako si Arroyo kag ang iya mga sinakpan. Tuman ang pagbalibad sang mga ini bisan pa nga may mga ebidensya kag saksi. Nagapabungul-bungolan lamang si Arroyo sa tunga sang naganog nga demanda sang mga himata, kaabyanan, mga nagasakdag sang ila tawhanong kinamatarung kag iban pa nga pumuluyo nga ituhaw kag respetuhon ang kinamatarung sang mga biktima. Sa atubang sang labaw nga kasubo sang mga nagakatublag sa kahimtangan sang ila

mga ginakabalak-an, indi matago ang kalipay sang rehimen kag mga sinakpan sini sa militar: Maayo nga bagay, siling nila, nga ginkuot kag nagkaladula ang mga rebolusyonaryo. Ang "all-out war" ni Arroyo wala sang kinakilala nga layi ukon reglamento, bisan yara sa kaugalingon nga konstitusyon ukon mga internasyunal nga layi pareho sang nasaad sa Geneva Conventions, kag pati mga



***Mga tampok
sa isyu nga ini...***

**Hilwayon ang mga
ginkuot nga konsul-
tant sg NDF** PAHINA 3

**Malapad nga suporta
sa panibag-ong
impeachment** PAHINA 8

**Mga kadalag-an sg mga
Maoista sa Nepal**
PAHINA 12

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa panugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com